

علوم اقتصادی و اجتماعیہ

مجموعہ

مر آیت برنجی کونی نشر اولنور

مؤسسلری :

احمد شعیب ، رضا توفیق ، محمد جاوید

مضمرہات :

عوامل اجتماعیہ : احمد شعیب . — دہ موقراسی و سوسیالیزم :
آصف نفی . — دیون عمومیہ دول : احمد مختار . — انکیز
حکیم مشہوری جون ستوتہ رت میل حریتی فصل آکلیپور :
رضا توفیق . — فرانہ اختلال کبیری : احمد شعیب . —
نشریات و وقایع اقتصادیہ : محمد جاوید . — یک سکن یوز التمش
سنہ سی استقراضنک مقالہ نامہ سی .

مدیر و صاحب امتیازی :

محمد جاوید

امور ادارہ و تحریرہ : نور عثمانیہ جوارندہ طنین ادارہ خانہ سی

نسخہ سی : ۱۰ غروش

استانبول

باب عالی جادہ سندہ ہلال مطبعہ سی ، ۶۶ و

ژانر اقتصادي کيسې

قسم ثاني

[۱۰]

اون آلتنجي لوتې پك قاريشيق ، پك فنا اولان امور ماليه ني تنظيم ايتك ايچين تورغوني ماليه مفتش عموميسي تعيين ايتدى . ۱۷۲۷ ده پارسده تولدايدن تورغو جدى ، چاليشقان ، معلوماتي ، خيرخواه برذاىدى . بودرين متفكر بوتون ثروتلك منبع يكانه سى طور اراق اولديغى ادعايدن «فيزيوقرات» مكتبنه منسوبدى . بويوك برزكا صاحبي اولدقدن ماعدا حس عملي به مالك مدبر براناره آدمي ايدى . تام اون اوچ سنه ايلالنده تجارب اداريه ايله دقيق و عميق ممارسه لرده بولونمىشدى . مأموريت جديده سى قبول خصوصنده اولاتردى ايتدى .

بوني قرال ايله اولان ايلك ملاقاتنده عرض ايتمكله برابر ديدى كه :
« حشمتآب سزه اقتصادك لزومنى بيلديرمك مجبوريتنده يم . سز بو بابده عمومه نمونه امثال اولماليسكز . » قرالاك اوداسندن متبع برحالده چيتمان تورغو درحال امور ماليه نك صورت اداره سنى توضيح و تشريح ايدن او مشهور بخطر سنى يازهرق حكمداره تقديم ايتدى . ديسوركه نه افلاس ، نه تزويد تكاليف ونده استقرضات . فقط بونك ايچين حشمتآب سزى علوجنا بكنزه قارشى تسليح ايتك لازمدر . مداهنلر كزه ، بندگانكزه سربدي بكنز

[۱۰] بو برنجي بابده ۱۶ مائس ۱۷۹۱ تاريخنه قدر اولان وقايمك هيات عموميه سنى على وتيرة الاجال قيد ايدهرك كله جك بابلرده تحيلاً تتبع ايدهرم .

بپاره لرك نره دن كلديكنی دوش و نمه لیدر . بمضاً لك ظالم اجراءات شدیدہ سایه سنده قوپاریلان پاره لر اصحابك ضرورت حاللرینی ده مقایسه ایتمه لیدر .
 بوراده تورغو باركران سفقاتی آلتنده ازیلن بچاره لری برپارچه اكلك
 ایچین حیاتی زهرله ين ملتك سعادتی دوشونیور . وعینی زمانده هدف
 اوله جنی مشکلاتی ده کوروپور : « بوسواستعمالات اتفاقی اساسندن یقوب
 دورمك ایچین باشلايه جنی مبارزده ملك باشنه قاله رق نتیجه ده حکمداری سخاوتندن
 واز كچمه يرك واك سوکلی بندکانی ایله سرای ارکانك قسم اعظمك نفرت
 وخصومتده دوجار اوله رق و صوكره اغفالی هر زمان بك قولای اولان
 ملتك - او ملتك كه اوغورنده فدای جانی بیوك بر سعادت بیلور -
 كین وحسدینه اوغرایه رق انک نهایت افتراق ، بهتانلره حشمتاً بکرك امنیت
 واعتمادی ده بندن زائل اوله جق در . . دیور .

استقبالی بودرجه دوغری وکشفه رغماً تورغو صورت قطعیه دایشه باشلادی .
 اول امرده اداره مرکزی ده کی مرتكب ، لیاقتسز مأمورین مالیه بی همان
 عزل ایدر ك مکمل برتنسیقات و تحقیقات ایله امور اداره بی بر حال انتظامه
 قویدی . صوكره مصارفات زائده دن تصرفات اجرا ایدر ك بعض ویرکلی
 تعدیل ایتدیکی کبی اون بش میلیون فرانلقده بورج اوده دی . صوكره
 حیوبات تجارتك داخلاً سربستیسنی اعاده آیلهدی . اوزمان بونوع تجارتله
 اشتغال ایده جكلر اقامتگاهنی ، اسمنی ضابطه یه قید ایتدیرمكه ، حكومت
 جانبندن تعین ایدیلان مغازه لرده اوقات معینه ده صائمجه مجبور ایدیلر ،
 خلافتده حرکت آیله ينلر شدیداً دوجار مجازات اولوردی . تورغو ایسه
 حیوباتك سربستجه آلوب صاتیلسنه ، خارجه کوندرلمسنه مساعده ایتدی .
 چونكه تورغو غورهنی نظریات اقتصادیه سنی قبول ایدر اقتصاديوندن
 ایدی . غورهنی هر كسك اعمالات و اجرای تجارتده حر بر اقیلاسی طرفداری

اولد یغندن « *Laisser fair laisser passer* » دستورینی وضع ایتمشدی. بومکتب منسوبینی انحصارلرک، اصول حمایتیه مستند آغیر ویرکولرک الفاسنی، سربستی تجارت و صنایع، سربستی رقابت قاعده سنک تطبیقی ایسته یورلردی. ایسته بوقواعد توفیق حرکت ایدرک بالآخره یاغکده سربستی تجارتی اعلان، اوقتر ووا تعرفه لرنی تصحیح، املاک خاصه نك اداره سنی تنظیم، یوللرک انشا آتنده اها لینک بدنا چالیشمندن عبارت اولان آتقاریه اصولی رفع ایتدی.

محصولات زراعیه ۱۷۷۵ سنه سی فنا اولمندن بغدادی فیئاتی یوکسلدی. بر طاقم قاریشقلر و وقوعه کلدی. تورغونک دشمنلری کنديسنی قیتلیغه سبب اولمقله اتهام ایدیورلردی. حاصلی اون محاربه سی موقعی فنا حالده صارصدی. قرالدده قرالچه نك هر امرینه تابع اولویوردی. مع مافیہ طریق اصلاحاتده اصرار ایتدی. مکاتیک مصونیتی تحت تأمینہ قوندی. مشهور ۱۷۷۶ امرنامه سیله ژوراندلری، متریزلری الفا ایدرک هر کسک ایستدکلری صناعاتده چالیشمالری ایچین سربستی ویردی. تورغو زمانه قدر فرانسه ده تنسیق اعمال اصول تحدید تسمیه ایدیلن قاعده یه مربوطدی. وبو سایه بر جوق اصناف هیاتلری تشکل ایدرک هر اصناف هیاتی اجرا ایتدیکی صناعتک آخری طرفدن یا بلماسته ممانعت ایدیوردی. ایسته تورغو بوقنا عادتق قالدیره رق هر کسک ایسته دیکی کچی چالیشق حقق حائز اولدیغنی اعلان ایتدی. تورغونک تعقیب ایله دیکی لایتغیر اقام ششونلردر :

حریت، حقانیت، انسانیت، صلح و مسالمت، ترقیات منوره و عاقلانه. تورغو قاینه نك دماغی ایدی. بر طرفدن سربستی مبادله نك موقع تطبیقه وضعی دوشونیور، دیگر جهندن دوائر بلدییه دائر بر مخطرہ ترتیب ایدرک اصلاحات سیاسییه و اداریه یه متعلق مکمل برپلان حاضر لیوردی.

تورغو هرشیدن مقدم ملکیت و حریت طرفداریدر . اودوشونیوردی که
 « جمعیت افرادک منافعی ایچین مؤسسر ؛ سبب تشکلی هرکسک حقوقی
 حمایه ، هرکسک وظائف متقابله سنی ایفا ایده بیلگی تأمین ایچین در . »
 بناءً علیه حریت شخصیه ، حریت تفکر و تحریر ، حریت وجدان ،
 حریت سعی و عمل و نهایت مساوات مدنیه و سیاسیه قطعاً لازمدر . حاکمیت
 تورغونک نظرنده عقل ایله عدالته ایدی . قراله دیدی که : « حشمتآب
 سزک استقبالده ، بر حکمدار کبی یاشایه بیلمه کز یایدیفکنز قانونلرک باشنده
 عقل و حکمت ، تلمنده عدالت اولقله قابلدیر . » عادل و عاقل بر قرال
 تورغو عندنده بوتون قوانک و لیسیدر . او تربیه دینه ایله برابرشا کردانه
 بر تربیه اخلاقیه و اجتماعیه ویرلمسنی ، مسابقه ایله کوزل مکتب کتابری
 یاییلمسنی ، فرانسه یه مکمل بر قانون اساسی اعطاسنی طلب ایدیوردی .
 ۱۷۷۶ امر نامه لری وولتهر و احرار ملت طرفندن آلهیشلرله استقبال
 ایدلشندی . لکن بندگان ، اصناف هیئاتی ، بعض ارباب قلم ، زادکان ،
 پارلمتو و وکلا نهایت تورغونک سقوطنه موافق اولدیلر . (۱۲ مایس .
 ۱۷۷۶) . فقط لوئی کندیسنی قبوله جسارت ایده میهرک استعفا سنی ویرمه سی
 ایچین خبر یوللادی . تورغو ابلده منفرد واسطه نجات الدن کتدی .
 ایکی کون صوکره قراله یازدینی بر مکتوبده دیورکه : « حشمتآب ،
 بوتون املم فرانسه نک احوالی یا کلش کوره رک سزه خیالی بر طاقم مهالک
 و مخاطرات ارانه ایتمش اولقلغمدر . زمان بی حقی چیقار مامسنی تئی ایدرم . »
 قوجه تورغو ۱۷۸۱ اختلالی کورمه دن اولدی . اختلالی بی شبهه حسن
 ایتدی ولکن منعه موافق اولامادی !

تورغونک یرینه مادام ستالک باباسی جنوه لی نه کر نامنده بر بانکر
 کای . زنکین ، صنعتده ماهر ، حریص جاه و متفاخر بر آدمدی . او اساسندن

اصلاحات اجرائی غیر قابل کور دیکندن بحرانك مهمما امکن اوکنی آلق
 وسائطنه تشبث ایتدی . بانکر اولقی ملاپسه سیله اعتبارك اهمیتنه بك ایی
 واقفیدی . بناءً علیه بتون اصلاحات مالیه سی جلی و خفی استقرضات
 ۴۵۰ پاره تدارك ایتمکدن عبارت قالیدی . وبوصورتله بش سنه ظرفنده ۴۵۰
 میلیون فرانق استقراض ایتدی . نه کر ۱۷۸۱ ده مقرضه امنیت بخش اولقی
 وامور مالیه نك محور لایقنده دوران ایتدی کنه فرانسر لری ایناندر مق
 ایچین وارداتی فضله و مصارفاتی نقصان کوسته دن برخلاصه حسابیه نشر ایتدی .
 فقط نتیجه ده قرالچه و بندکان سرای و منسوینه و یربان هدایا و محض صاتك
 نشر ایدلمسندن هیچ خوشلانمادیلر و قرالی نه کری عزل ایتمک مجبور
 ایتدیلر . خلفی قالون ده استقراض سور سیله پاره تدارك ایتمکدن باشقه برشی
 یاممادی . اوچ سنه ظرفنده فرانسه یکیدن بش یوز میلیون فرانق بورجه
 کیرمشدی . بورجه ده سنوی یوز میلیون فرانق آچیق واردی . برمدت
 صوکره قالون ده عزل ایدیلر ك یرینه برینه اسمنده زادکاندن برپس قپوس
 تعیین اولوندی . آرتق پارس پارلمنتوسی مشکلاته چاره ساز اولقی ایچین
 « نه تازمه نرو » نك اجتماعه دعوت ایدلمسنی طلب ایدیوردی « ۱۷۸۷ » .
 حکومت برچوق حبله لردن ، ترددلردن صوکره نهایت « نه تازمه نرو » نك
 ۱۰ مایس ، ۱۷۸۹ ده طویل انماسنه قرار و یردی ونه کری مجلس وکلايه دامور
 ایتدی . ۱۶۱۴ تاریخندن صوکره « نه تازمه نرو » اجتماع ایتمه مشدی .
 بوزادکان ، رهبان و « تیه رزه نا » دینیان ملتك اوچنجی صنفندن مرکب
 بر هیاتدی . نه گرك اصرار یله اوچنجی صنف مبعوثانك مقداری بوتون
 مبعوثانك نصفنه معادل اولماسی اساسی قبول ایدلدی . اوچ صنف لاقلا
 بیك مبعوث کوندره جکدی .

هر صنف مختلف اصولره توفیقاً مبعوثلرینی انتخاب ایتدی . صنف

«رهبانك انتخاب ايتديكى مبعوثك قسم اعظمى كوى پاپاسلىرى ايدى .
 زادكانك اكثر تى ده كويلرده صاحب اراضى اولان اصلزاده لر ايدى .
 تيه رزه تا مبعوثلى ايسه بو رزو والردن وبالخاصه حاكم ، مقاولات محورى ،
 اوقات كچي ذواتدن مر كىدى . بوسنك اك بويوك مدافعلى ايسه ماركى
 دوميرا بو ايله پاپاس سيه سى دره انتخابات ايچين اجتماع ايدن مجالسك هر
 برى تمنيات وشكاياتنى ميين قراه خطاباً » قايله لر نى تنظيم ايتديلر .
 بوتون بو دفاتر تدقيق ايديلرسه كورولوركه همان هر كس عيى شيشي
 ايسته يورلردى : مشروطيت ! بيكلرجه صدارل حریت ايسته رز ! فريادى
 تكرر ايدى يورلردى . ايشته اختلالك قوت وسحرى . بونك اوزرينه
 قرال ملتك آمانى موقع تطبيقه قوياجنى وعد ايتدى . بو وعد اوزرينه
 هر كس سونجندن دلى اوله جق كيدى . قرالك بويوكلكنه قارشى اظهار
 حيرت ايدى ليور ؟ زادكان ، رهبان ، كويليلر شدت تاثر لرندن آغلا يورلردى .
 اوج صنفك مبعوثلى اوزون مذاكراتدن صوكره ۴ ميس
 ۱۷۸۹ ده ورساي سراينده اجتماع دعوت اولونديلر . دها ۱۷۸۸ كانون اولنده
 لوتى مجلس وكلا قراريله مطبوعات ، حریت شخصيه ، مساوات تكاليف ،
 بودجه حقى كچي بعض اساساتى قبول ايتمشدى . قرال مجلسى بالذات
 كساد ايتدى . بر طاق آلتنده او طور دى وشابقه سنى باشندن چيقارمادى
 حاليده بر نطقى ايراد ايتدى .

بوتون مبعوثنر باشلىرى آچيق اوله رق قائماً نطق حكمدارى نى استماع
 ايتديلر . بونده مجلسك مقرراتى قبول ايده چكنه دائر اولان اولكى
 بوعدلرندن ، مشروطيت اداره دن هيچ بحث ايتدى . ايلك جهاه سنده ملته
 امر ايتديكندن ، فكر تجدد قارشى شكائتدن صوكره مجلسك باشليجه
 وظيفه سى امور ماليه نى تنظيم ، اعتبار عمومى نى تايد ايتمكدن عبارت

اولدیغی سویله دی؛ قانون اساسی لایحه لرینه، حریت دایر بر گله بیله یوقدی. مالیه ناظرینک نطقندن ده برشی آکلاشیلادی. اوچجی صنف مبعوثلری بوکا پک زیاده مناسف اولمقله برابر قواله اولان محبتلری نه زائل اولمادی. قرا لیمه ایله قونت دارنوو انک لوئی بی بو یوله سوق ایتدکاری سویلیه رک سرایه قارشى اتحاد قرار ویردیله .

اوج صنف مبعوثلری آرمسند کی اختلافات در حال میدان چیقدی. تیه رزه تا مبعوثلر اصول و نظامه موافق صورتده انتخاب اولونوب اولونمادقلرینک تدقیق ایلمه سی ایچین اوج صنفک برلشمه سی لازم کله جکی بیان ایتدی. دیگر بر صالونه طوبیلانان زادکان بومعامله نک آیری آیری اجرا اولونمائه قرار ویردی. اوچجی صنف بونی رد ایده رک برلکده اجتماعه تکرار دعوت ایتدی. بش هفتة انتظاردن صوکره تدقیقانه باشلادی. یالکز بر قاق کوی پاپاسی دعوته اجابت ایله مشدی. اعضادن سیهس مجلسک، ملنک لا اقل یوزده طقسان التیسنک وکیللرندن مرکب اولدیغی بیان ایتدی. بونک اوزرینه مجلس ۱۷ حیران مذاکره سندن صوکره کندیسنه «شورای امت» نامی ویردی. ایکی کون صوکره ده وارداتی، مصارفاتی، تکالیفی، دیونی تدقیق ایتک ایچین درت انجمن تعیین ایتدی. اصل زادکان وره این قواله شکایت ایتدیله. حتی پارس پسقپوسی مارلی به کیده رک قرا لک آیاقلرینه قانوب دولت ودینی قورتارماسنی نیاز ایتدی.

تیه رزه تا مبعوثلری ۲۰ حیران صباحی مجلسه کیتدکاری زمان صالونی قالی بولدیله؛ قونک اوکنده عسکر بکلپوردی. بونک اوزرینه مبعوثلر بایی نک تحت ریاستنده، طوب او یوننه مخصوص بویوک بر جاملی صالونده طوبیلاندیلر. واعضادن مونیا نک تکلیفی اوزرینه شو صورتله

یمین ایتدیلر : « قرالتك قانون اساسیسی تنظیم ایتك، آسایش عمومی بی
اعاده ایله مك و حكومت مشروطه تك اساسی احكام ایتك ایچین طوبیلانان
ملت مجلسك مذاكراتی هیچ برشی انقطاعه دوچار ایدم من . نروده اولسه
اجتماع ایدم بیلیرلر ؛ وکلای امت نروده اجتماع ایدرسه ملت مجلسی
اوراسیدر . بوفکرده اولان مجلس اعضاری فرانسه به لازم اولان قانون
اساسی بی یامادن واونی قوی تمللر اوزرینه قویمادن یکدیگرندن آیرلیه جقلر
نروده اجتماع لازم و ممکن ایه اوراده اجتماع ایدم جکلرینه یمین ایدرلر . »
یوکا « ژودوپوم » یمینی دیرلر .

۲۴ حزیرانده مجلس سنت - لوئی کلیسا سنده طوبیلاندی . اوکون
کوی پاپاسلری کاملاً التحاق ایدم رك آلقیشلرله قبول ایدلیرلر . ایرته سی
کونی لوئی اجتماع عمومیده حاضر بولوندی . قرائت ایتدیردیکی بیاننامه ده
تیه رزه تانك بوتون مقرراتی فسخ و صنوف ثلاثیه آیری آیری مذاکره
ایتمه لریخی امر ایدوردی . اجتماع صوکارینه دوغرو سرت بطور ایله :
« همان آیرما کزی و یارین صباح هر بر صنفه تخصیص اولونان صالونلره
کیتمه کزی اراده ایدم رم . » دیبه رك صالوندن چیقوب کتدی . زادگان
ورهبان بوا مره اطاعت ایتدیلر سده تیه رزه تایرندن قیلمد اماری . تشریفات
ناظری رئیس بایبی یه : « قرالك اراده سنی ایشتمدی کز می ؟ » دیبه صورمش
واوده مجلسه خطاباً : « بكا قالیرسه اجتماع ایتمش امته کیسه امر ایدم من . »
دیمشدر . دیرابوده آیاغه قالقهرق : « ... اگر بزى بورادن چیقارمغه
مأمور اولدیگنر ایه قوه جبریه استعمالی ایچین امر آمالیسکزر . چونکه
بز بورادن آنجق سونکو قوتی ایله چیقایلیرز ... » دیدی . تیه رزه تانك
جسارتی رهبانندن قسم اعظمك کنندیلرینه التحاق ایتمه سی و باشلرنده دوق
دورلثان اولدینی حالد بر قسم زادگانك ده خفیا معاوتی سایه سنده تراید

ایتمشدی . سیهس رفقاسنه ترك موقع ایتمه‌لری حقنده نصیحت ایتدیکی
 کی میرا بوده تکرار قیام ایده‌رك مبعوثانك شخص‌لری هرکونا تعرضدن
 مصون اولدیفنی سوله‌دی . چونکه بو ائشاده اوتل ده مونوسك اطرافنده
 حرکت عسکریه واردی . سرای سدت وقورقو آراسنده ایدی . نهایت
 خوف وتلاش غلبه ایده‌رك رئیس بایي نك توقیف ایدلمسی حقنده کی امر
 کری آلدیفنی کی نه کرکده استعفا سی قبول اولونمادی . ۲۴ حزرانده
 زهبانك قسم اعظمی ایله بر قسم زادگان اوچجی صنف مبعوثلرله برلکده
 اجتماع ایتدیلهر و قرالده اوچ صنفك بوصورتله برلکده طوپلانلری
 قبول ایتکه مجبور اولدی . عموم برلشدکن صوکره رئیس : « عائله تمام
 اولدی . » دیمشدر . بو کیفیت عادتاً تیره رزوتانك مظفریتی تصدیق دیمکدی .
 مجلس درحال بر قانون اساسی انجمنی ایله مالیه انجمنی تشکیل ایده‌رك
 ایشه باشلادی .

اداره قدیمه نك سفاهتی ایله یاشایان وامتیازاتك العاسندن دولایی
 متضرر اوله جق اولان پارس شهری اختلاله طرفدار ایدی . بونی اولای
 انتخاب ایتدیکی مبعوثلرله تانیاسو قاتلرده میدانلرده وبالخاصه « پالهر و واییال » ده
 طوپلانان بیکلرجه خلقك مختلف نمایش‌لری ایله اظهار ایدیوردی .
 ۳۰ حزرانده خلق ملته قارشى یورومه دکلرندن دولایی حبس ایدیلان
 عسکری جبراً تلخیص ایتدی . دیگر طرفدن منتخبلر مجلسی آیریلاجقلری
 رده « اوتل دوویل » ده اجتماع ایتکده اصرار ایدرلردی . حاصلی بویوک
 شهر افکار جدیده طرفدن قازانیلدیفنی کی دیگر شهرلرده پارسك طرز
 حرکتیه بکزر بر شکل آلیوردی . بوغلیان افکار اردویه ده سرایت
 ایدیوردی . قراچیچه فرقه سیه قرالک برادرلری اون آلتیجی لوتی بی
 قوه جبریّه استعمالله بر « قوده تا » یامایه تشویق ایلدورلردی . پارس

قربنه همان جمله سی اجنبی عسکر اولقی اوزره متعدد آلایلر جلب ایدلدی. ۱۱تموزده نه کر ورفقاسی عزل اولوندیلر. اختلال برانسانده پارسک آلهجنی طرز حرکت مطلقدی. شیمدییه قدر هرشی یالکز آتشین نطقلرله یکمشدی. نه کرک عزلی پارسده عمیق بر هیجان نفرت حصوله کتیردی. آرتق قوده تانک عن قریب وقوعه کله جکندن هیچ کیسه شبهه ایتیموردی. خلق نگر ایله دوق دورلئک سیاه تول ایله صارلمش هیکلجکلرینی الارینه آلهرق سسوقاقلرده دولاشدیلر. پاله رووآیالده طوپلاناتان اهلینک اورتاسنده بر کنج آوقات، قاملی دهمولان، بر نطق ایراد ایدهرک صوکننده «سرای، وطنپرورلر ایچین بکی برسن بارتلی حاضرلیور.» دیدی وملتله سلاخلانمالرینی سوبلیدی. بر سواری آلینک باشنده اولان پرنس دولامبستی کندی حاللرنده کزن اهالی اوزرینه هجوم ایتدی وبرانسانده بر اختیارک اولدورلدیکی شیوع بولدی. بو حادثه نفرت عامه یی دعوت، بوده قیام عمومی یی انتاج ایتدی. آقشام اولدینیی زمان اهالی «وطنک ماتمده بولوندیقتی» کوسترمک ایچین تیاتورلری قباتدی. سلاح ساتان بغازه لر یاغما ایدلدی. عسکرله ملت اوپوشدیلر. فرداسی انوالید وغاردموبلودمکی سلاحلر وطوپلارده آلتندی. پارسلیلر علوی مبارزه یی مقاومت ایچین سلاخلانمغه باشلایه رق ملی آلایلر تشکیل ایتدیلر. ورسایده شورای امت درحال دهامتین بر وضعیت آلدی. نه کرله ورفقاسنک عزله بیان تأسفله برابر دیدی که: «بز قرالیتی فرانسه ایچین سویوروز؛ یوقسه فرانسه یی قرالیت ایچین دکل.»

پارسک شرفنده «بستیل» نامیله معروف برقلعه واردی که مجرمین سیاسی بوراده حبس اولونوردی. پارسلیلر اداره مستبدنک مخوس و مشنوم بر نشانه ظلی اولان باستیله قارشی درین بر نفرت حس ایدرلردی.

اهالی کندیلرینه التحاق ایدن « غارد فرانسه ز » ایله برلکده ضبط ایتدکری طوبلری سوقاقلرده سوروکلیه رک باستیل اوکنه کیتدیلر . یارسیلر قهرمانانه فدای حیات ایتدکری قانلی محاربه دن صوکره نهایت باستیلک قبولی آچلدی . بونک اوزرینه خلق باستیل دروننه کیروب عساکر محافظه یی کاملاً اولدیردیلر و قلعه یی خاک ایله یکسان ایله دیلر . باستیلک ضبطی « ۱۴ تموز » افکار انسانیه و احرارانه ک بر مظفرتی کبی تلقی اولوندی . اختلال اجنبی عسکرینه بیله سرایت ایتدی . اون آنتیجی لوئی تسلیه مجبور اولدی . مجلسه کیده رک عسکرک پارس جوارندن اوزافلاشدیرماسی ایچین امر ویردیکنی سوبله دی . بوشانده ملت باستیلی یقیوردی . تموزک اون آلتیسنده ده نه کری تکرار ناظرلغه دعوت ایده جکنی وعد ایتدی . اوکجه آمریکانک استقلاللی ایچین انکلیزله قارشی آمریکاده محاربه ایدن « لافایت » اسمنده بر اصیلزاده ضابط عساکر ملیه یه قوماندن تعیین اولوندی . او ائشاده پارس مجلسی ده تبدیل ایدیلرک اهالی طرفندن منتخب بر هیئت بلدییه تشکیل و مشهور بایی ده رئیس انتخاب ایدلدی . ۱۷ تموزده لوئی پارسه دکل بر قرال کبی ، بر مغلوب کبی کیدوب شهر امانته کلدی . و بوراده اوچ رنکلی قوقارده یی قبول ایله دی : اختلالجیلر پارس شهرینک علامتی عد ایدیلن ماوی و قرمز قوردلر طوقشلا ایدی . لافایت بونلره قرالک علامت مخصوصه سی اولان بیاض رنکی ده علاوه ایتدی . و ایشته بوصورتله اوچ رنکدن مرکب فرانسه علامت مخصوصه سی چیقدی . فرانسر « بایراغک منشائی بودر .

نه کرک عزلی اوزرینه فرانسه نک هر طرفنده وسائط مدافعه یی ترتیب ایچین دائمی قومیتلر ، بلدییه هیاتلری ، ملی طابورلر ، آایلر تشکیل

اولوندی. عصیان پارسدن ایالاتده سرایت ایدورک اهای سو مدکلی
 مأمورلی، دره بکلی قتل و نظرلرنده ظلم و اسارتک برنشانی اولان
 شاتولری، مناسترلری یغما ایتدیلر و بر چوغنی یاقوب ییقدیلر. هرکس
 خوف و دهشت ایچنده ترمه یوردی. بوکا فرانسه تاریخنده «بووک قورقو»
 دینیلیر. ۱۷۸۹ تموز اختلالی مونوسیدال بر اختلالدر. ایالاتده کی قیاملر،
 شاتولرک احراقی خبرلی «آسامبله ناسیونال» ی قورقوتدی. صوکره
 بوخا مجلسده استیلا ایتدی. آغستوسک دردنجی کیجه سی دره بکک
 امتیازاتک لغوینه تشبث ایتدیلر. جهالت و ظلمت زمانلرندن قالمش اولان
 بوامتیازاتک مغایر عدالت اولدیفندن بحث ایدلدی. اولا دوق دونوآی،
 صوکره دوقده کیون ونهایت بوتون اصیلزادکان ورهبان حقوق و امتیاز
 لرندن واز کچدی. اعضاءلر سوینجلرندن آغلا یورلر، مصافحه ایدیورلردی.
 شورای امت بواجتماعک تأیید خاطره سی ایچین برمدالیه ضرب ایتدیردی.
 کویلیلر امتیازاتک لغوینه مقابل تضمینات ویره جککرایکن بالاخره هیچ
 برپاره ویرمیدن اراضی صاحبی اولدیلر. صوکره مجلس شکلی تبدیل
 ایدورک «آسامبله قونستیتوآنت» یعنی فرانسه قانون اساسیسی تنظیمه
 مأمور بر مجلس نامنی آلدی. و ۲۰ آغستوسدن ۱ تشرین اول تاریخنه
 قدر اولا حقوق بشر بیاننامه سی و صوکره قانون اساسیسی بالمداکره
 تنظیم و نشر ایتدی. ۱۷۹۱ سنه سنده یاپیلان بوقانون حقوق بشر
 بیاننامه سیله سکز بابدن مرکبدر. شیدی بونلری تدقیق ایدلم:

«انسانلر حروحو قجه مساوی اوله رق دوغالر. وینه عینی حریت و مساوات
 ایچنده اولورلر. امتیازات اجتماعیه منافع عمومیه اوزرینه مبتنی اولاییلر. بالجه
 جمعیات سیاسییه نیک غایه سی حقوق طبیعییه بشرک محافظه سی ایچین دره انسانک
 یوحقه ق طبیعییه و غیر مندرسه سی ایسه حریت، حق تملک، امنیت

و آسایش ، ظلمه مقاومتدر . حق حاکمیت ملتهددر . هیچ بر هیأت ،
 هیچ بر فرد ملنك وكالتی حائر اولمدجقه اجرای حکم ونفوذ ایدءمز .
 حریت ، باشقه لرینه مضرتی اولمیان هرشیشی یابه بیلک حقیدر . بناءً علیه
 بر شخصسك حریقی دیگر بر شخصك حریقی ایله محدوددر . بوجوددی
 قانون تعیین ایلر . قانون آنجق منفعت عمومیهیه وهیأت اجتماعیهیه مضر
 اولان افعالی منع ایده بیلک حقی حائردر . قانونك نهی ایتمدیکی منع
 اولونامیه جنی کی کیسه قانونك امر ایتمدیکی اجرا ایله ده مکلف دکلدر .
 قانون ارزوی عمومینك افاده سیدر . بوتون ملت بالذات ویا وکیلری
 معرفتیه تنظیم قوانینه اشتراك ایتك حقنه مالکدر . حمایه وتأدیب
 خصوصنده قانون هر کس ایچین بر اولمالیدر . قانون نظرنده اهالینك
 کافه سی مساویدر ؛ فضیلت ومعرفندن باشقه بر امتیاز اولاماز . هر کس
 قابلیت کورهمأموریت وخدمات عمومیهیه تعیین ایدیلر . هیچ کیسه قانوناً
 معین اولان احوالدن ماعدا اسبابدن دولای نه اتمام نه توقیف نه ده حبس
 ایدیه بیلر . خلاف قانون اوامر طلب ایدنلر ، ویرنلر ، اجرا ایدنلر
 وایتدیرنلر دوچار مجازات اولمالیدر . قانونه مخالفت ایدیه مز . قانونك
 امریه دعوت ایدیان ودر دست اولونان همان قانونه مطاوعت ایللیدر .
 مقاومت موجب تمندر . قانونك ترتیب ایده جکی مجازاتك لزومی قویاً
 محقق اولمالیدر . هیچ کیسه موجب جزا اولان فعلدن مقدم وضع ایدلمه مش
 اولان قانونه تجریم ایدیه مز ؛ مجازات ده قانونی بر صورتده تطبیق ایدلمه لیدر .
 هر کسك متهم عد اولونه جنی زمانه قدر معصوم فرض ایدلمی لازمدر .
 بناءً علیه توقیفنه لزوم قطعی حس ایدلیدی وقت شخصی اله کچیره بیلک
 ایچین لزومسز شدت اظهار و اجرای قانوناً صورت قطعده منع
 ایدلمه لیدر . . هیچ کیسه ولوکه دینی اولسون افکار ذاتیه سندن دولایی

تضییق ایدیه من . یالکر افکار مذکورہ نك انتظام عمومی بی اختلال
ایتمه منی شرطدر . رأی وافکاری بی سربسته بیان ایتك حقوق مقدسه
انسانیه دندر . بناءً علیه هر کس صلاحیت قانونیه نك سو استعمالندن
مسئول طوطولق شرطیه سربسته رأی سوبلیه بیایر ، یازہ بیلیر وطبع
ایده رك شر و اعلان ایلیه بیلیر . حقوق بشرک تأمین قوه عمومیه ایله
حصوله کله بیلیر . بناءً علیه بقوت اوکا موکل اولانلارک منفعت
شخصیه لری ایچین دکل ، منفعت عمومیه ایچین مؤسسر . قوه عمومیه نك
ادامه سی واداره امور دولك تمشیتی ضحندہ لازم کلن مصارفک تسویه سی
ایچین بر مکلیمت عمومیه به احتیاج واردر . بو مکلیمت بوتون ملت آره سنده
درجه اقتدار ی نسبتده مساوات اوزره توزیع اولونمالیدر . مکلیمت عمومیه نك
لزومی ، صورت استعمالی ، مقدار و اساسی ، صورت ومدت تحصیلی
تعیین ایده بیلک حق بوتون وطنداشلره ویا وکیللرینه عأددر . هیأت
اجتماعیه ، مأمورینک کافه سده اداره مؤکله لری حقنده حساب صور مق
صلاحیتی حأددر . حقیر عمومیه نك محافظه سی تحت تأمینہ آلتامش
وقوای عمومیه نك تفریق اجرا ایدنامش اولان جمعیتده قوانین اساسیه
موجود اولاماز . حق تملک تعرضدن مصون وبر حق مقدسدر .
صورت مشروعه ده لزومی متحقق بر منفعت عمومیه به مبتنی اولمدقچه
واولدن تضییات محقه ویرلدکجه عیج کیسه ملکندن محروم ایدیه من .
ایشته آمر یالیر کی قانون اساسینک بر مقدمه سی اولیق اوزره یابیلان
بالاده کی حقوق بشر بیانامه سی عدالت ، حریت ، مساوات ، تعاون افکاریه
برابر حاکمیت ماتی ده قبول ایدیور . قانون اساسی ایسه هیأت مجموعه سی
اعتباریه قرالیه قارشی بر صلاحدر . او اون سکزنجی عصر اقنیم
فلسفیه سیله سرایه قارشی اولان مبارزه یومیه احتیاجاتنک بر نتیجه سیدر .

اوپر ماکنٹہ حرب اولمقلہ برابر ماضی ایله حال، یکی واسکی اوتوریته
 اقنومنه دأرده بر مصالحه نامه در . قوا شو صورتله مرتبیدی : ملت، قانون،
 قرال . مجلس قرالک شخصی ناقابل تعرض و مقدس اولدیفقی، سلطنتک
 سلسله عمودیہ اوزره اولاد ذکوره انتقال ایده جکنی، قرال اون سکنز
 یاشنه قدر غیر رشید عد ایله اکیاقین اقرباسندن برینه وظیفه نیابت تودیع
 اولونا بقی، قادیسارک اجرای حکومت ایتکه قبول ایدلیه جکنی بیان
 ایتدی . ولی عهده بعدما « دوفهن » دنلیه رک « پرنس رووآیال » تسیمه
 ایدلیه جکدی . قوه اجرائیه ملت طرفندن قراله مودوعدر ؛ او اداره
 عمومیه نک رئیسدر . قوای بریه و بحریه نک قوماندانی اولدیفقی کی امنیت
 داخلیه و خارجیه ده محافظیه مأمورد . سفیرلری ، اردو و دوتمانک
 قوماندانلرینی، بویوک ضابطانک اوجده برینی، محاکم نزدنده کی قومیسرلری
 قرال تصین ایلیمه جکدی . سکه حکمدار نامنه ضرب اولونه جق . مناسبات
 سیاسیه خارجیه ده بولونمق، مذاکراتی اداره ایتک مجلسک تصدیق ایله
 معاهدات صلحیه ، اتفاقیه و تجاریه عقد ایلیمه یالکز قراله عائددر .
 قوه قانونیه مجلسک آئنده اولمقله برابر قرالده رد ایتک حقنه مالکدی .
 یالکز یکدیگری متعاقب اوج لهزبسلانورده ینه قبول ایدیلیرسه ارتق
 تصدیقه حاجت قالماسین قانون حکم و قوتنی اکتساب ایدیمه جکدی .
 قرال قوه اجرائیه بی داخلیه، حربیه، مالیه، عدلیه، بحریه، خارجیه
 ناظرلرندن مرکب بر مجلس واسطه سیله ایفا ایلر . نظارک عزل ونصبی
 قراله عائد اولوب بونلر مبعوثان میانسندن انتخاب ایدیلیمه من . صلاحیتدار
 ناظر طرفندن امضالیمه من هیچ بر امر حکمداری موقع اجرایه قوناماز .
 نظار مسئول ، ملت خارجدر . ملت فرانسارک هیأت مجموعه سیدر .
 بیایتمه مجلس ملتی، حقوق . بی حار و غیر حار اولمق اوزره ایکی یتفریق

ایندی. منتخب اولایمک ایچین ثروت اساس اتحاد اولوندی. وبوصورتله فقر
حاکمیتک خار جنده قالدیلر. یالکیز بر مجلس اوله جق ایدی. بو مجلس مصارفات
عمومیه بی قبول، رسوم مختلفه بی وضع ایتمکله، اعلان حربه قرار ویرمکله، معاهداتی
تصدیق ایله مکله مکلفدی. دوا اربلدیه مدیر و اعضا لرینی دوغریدن دوغری به
انتخاب ایده بیلر جکلردی. فرانسه اراضیسی سکسان اوچده پارتمان و دیستریقه
تقسیم اولونورق استملری او اراضینک انهار و داغلرندن اقتباس ایدلدی.
هر قانطونده ایکی سنه مدته منتخب بر صلح حاکمی، هر دیستریقهده آلتی
سنه مدته منتخب و بش حاکمن مرکب بر حقوق محکمه سی تأسیس اولوندی.
جرائم قباحت، جنحه و جنایت اولمق اوزره آیرلدی کی محاکم جزایه ده
اوچ قسمه تفریق ایدلدی. هر ده پارتمانده بر محکمه جنایت اوله جقدی. پانختده
بر محکمه تمیز اولوب اعضا لریده ده پارتمانلر طرفندن انتخاب ایدیلر جک ایدی.
و نهایت دیوان عالی نامیله برده محکمه سیاسییه تشکیل اولوندی.

بو قانون اساسی به لافایت، مجلس ریسی و مبعوثان یمن ایتدکاری کی
قرالده «بوتون قوتی قانون اساسینک محافظه سی اوغورنده صرف
ایده جکمه یمن ایدرم» دهرک اظهار صداقت ایندی. فقط قرال حقیقت
حالده حقوق بشر بیاننامه سی و قانون اساسی بی کره ا قبول ایلر مشدی. چونکه
قرال یکیدن بعض تأثیرات آلتنده بر قوده تا اجرا ایده جکی شایع اولمشدی.
پارسمده ایشلر پک فنا گیدیوردی. حیوات هر زمان کله دیکندن اکمک
چوق بهالی ایدی. قیتلقدن فرو نلرده اکمک بولامایان بیکرجه قادیلر
لافایتی ده سور و کلیرک و رسایه کتیدیلر. مجلس صالونه کیره رک «سزدن
اکمک طاب اتمک و وطنکزک علامت مخصوصه سی تحقیر ایدن عساکر
خاصه نک دوچار مجازات ایدلمسی ایسته مک ایچین بوزایه کلدک». زادگان
بزی آچاقدن اولدیرمک ایسته یورلردی. د ایتدیلر. کیجه عساکر

قادرینار آراسنده غوغا باشلاپ رقی هرایی طرفدن برچوق کیمسهر تلف و مجروح اولدیلر . ایشته بو هیجان عمومی اورتاسنده قرال حقوق بشر بیاننامه سنی قبوله مجبور اولدی و اها لیک اصرار و تضییق اوزرینه لوی زوجه سی و چوققلریله برابر یارسه کیده رک اوراده اوطور منقه موافقت ایتدی . قرال تویله ری سراینه یرلشدیکی کبی مجلس ده سرایه متصل بر بناده عقد اجتماعه باشلادی . ملک پولیتیکه سی قوالی سرایک تاثیر مشومنده قورتارمق ، سرایک سیاستی ده اختلالی مغلوب ایتک ایچون اجنبی ایله خفیاً اویشمقدی ...

قراک قانون اساسی بهیمینی هرکس طرفدن آنقیشلرله قبول ایدلمشدی . ظن ایدی یوردی که آرتق اختلال یتمشدر . حال بوکه فرانسلرک بر قسمی اختلالک وجوده کتیردیکی وطنی قبول ایتیه رک برنوع خارجی فرانسه تشکیلی ایچین قرالیتی ترک ایدیورلردی . و بوحرکنله « مهاجرت » دینین حال باشلادی . باستیک ضبطی اوزرینه قراک کوچوک برادری قونت دارتوا قاجندی . قوتی برعدت صوکره پرنس قونده ، دوق دووربون ، دوق دانکی بنده تعقیب ایتدیلر . اصلتک الفاسی ، پرنس ، قونت ، دوق ، مارکی ، ویقونت ، بارون ، شووالیه کبی القابک منع استعمل ، شاتولرک احراقی اوزرینه فرار ایدن اصلزاندکانک مقداری کیتدکجه تراید ایتدی .

مجلسده بیله یمین فرقه سندن پک آرمبعوث قالمشدی . فرانسه ده وطنپوران مهاجرلرک تهدید آیز طورلرینه قارش پک زیاده حدتلندیلر . قونستیتو آنت مجلسی آمال مسالمنجویانه سندن بحث ایده رک اورویانی تسکینه چایشدی .

یوصیراده قونت دارتوا اقامتگاهنی قوبلجه نقل ایتمشدی . صوکره قراک برادری موسیوده کلدی . بو قراک وارنده توقیفی متعاقبر . او حکمدارک اسارت آلتنده اولدیغنی سویلیه رک کندیسنی نائب حکومت اعلان ایتدی .

۱- سفارت ، برهیأت وکلا تشکیل و پرنس قونده طرفدن قوماند

ایدیلن برده اردو وجوده کتیردی. مهاجرلرک خویلیسی اوستریا، پروسیا
اردولریله برابر فرانسه یه کیرمکدی ...

شورای امت کلیسا و رهبانه قارشى بك شدتله معامله ایتدی .
میرابو بیله مجلسده فرانسه دن قاتولیکلرک منع ایدلمسی . طلب ایدوردی .
طرق مذهبيه قالدیرلدى . رهبان جمعیتلری منع ومناسترلرک قسم اعظمی ده
سد ایدلدى . صوکره پاپاسلرک تشکیلات و اصول مراآتى حقیقده بر قانون
یاسیلدى : « قونستیتوسیون دو قلوژ » . « پسه پوسلق مرکزلی لزومندن
فضله عد ایدیلرک یالکزد د پارتمانلر ده برر پسه پوسلق تأسیس ایدلدى .
بونلرک انتخاب ایله تعیینلرینه و حکومتدن معاش آللرینه قرار ویرلدى
و پسه پوسلرک قانون اساسی به رعایت ایدمچکلرینه دائر یمن ایتملری به یمن
ایتمنلرک یرلرینه باشقعلرینک تعیین ایدلمسی اساسی ده قبول اولوندی . پایا
بو مقرراتی قبول ایتمده . بونک اوزرینه رهبان ایکی به ایرلدى . الی
پسه پوس ایله کوی راهبرینک نئی قانون اساسی به یمن ایتدکلرندن حکومته
طماندیلر . لکن پایا کندیلرینی آفوروز ایتدی . بونلر « یمنی رهبان »
دینلدى ؛ دیگرلری ده « یمنسز رهبان » نامی آلدی . بونلری حکومت
طانیما دی . پارسزلقدن کلیسالر عائد املاک خزینه دولته دوری
قرار کیر اولدی . مادام که رهبانه حکومت معاش ویره چک ایدی ، کلیسا
املاکنده املاک ملیه نامی اعطا ه وارداتی احتیاجات ملیه به تخصیص
اولوندی . درت میلیارد فراتی تخمین ایدیلن بواملاک در حال صاتیلمسی
غیر قابل اولدیغندن ایلریده صاتیلاچق املاک بدلاتی قارشیلق کوسترلک
اوزره « آسینیا » دینلن قوائم نقدیه موقع تداوله چیقارلدى . کلیساه
قارشى وقوع بولان بونوع تجاوزات اون التجی لوتی بی یک زیاده متاثر
ایتدی . چونکه اوپک دیندار بر آدمدی . حتی رهبانک پالاق مقابله قارشى

تأمین استقلال لرینه خادم «قونستیتوسیون سیویل...» ی تصدیق خصوصنده برچوق تردد ایتدی. نهایت قرالجه نك استراحی اوزرینه کمال تأسف ایله قبول ایله دی. فقط آرتق لوتی قاجق قورتولق ایسته یوردی. و ظاهر آ قانون اساسی به طرفدار کورونه نك بر طاقم بیان نامه لر، کوچوک نطق لرله مجلسی، ملتی قاندرمغه چالشیوردی. قرالجه فرارک تفرعاتی قونت دوفرهن اسمنده اسوجلی بر اصلزاده ایله قرارلشدیردی. نهایت ۱۷۹۴ سنه سی حزیرانک ۱۱ نجی کونی نصف الیلده لوتی او طه خدمتجیسی، ولی عهد بر قیزجوجنی قیافته کیردیلر. و قرالجه ایله برابر سرائک کوچوک قاپوسی اوکنده بکله ن عربیه بینرک قاجدیلر... لکن نه چاره که امرلری تماماً اجرا ایدلدیکندن «وارن» موقعنده توقیف ایدیلوب خلک تهید و تحقیری آئنده اوچ قومیسر محافظه سیله بر مجرم کبی پارسه کتیرلدی. اختلالک اک حائر اهمیت بر حادثه سی اولان بوفرار کیفیتی وجدان ملی بی پک درین بر صورتده صارصدی. وارنه فرارک ایلك خبری بوتون فرانسه بی بر خوف ودهشت ایچنده بر اقدی. زوالی فرانسه کنديسی یتیم و متروک حس ایتدی. قرالک عودتی اوزرینه کنیش بر نفس آلدی. ابتدا کی مایوسیت؛ صوکره بومنونیت فرانسه نك هنوز قرالیت طرفدار ی اولدیفنه دلالت ایدیوردی. فقط بواشاده پارس بوس بوتون باشقه بر وضعیت آلمشدی. اختلالدن بری ایلك دفعه ده پارتمانلرله پانخت آراسنده بر اختلاف کورولدی. لوتی نك فراری پارسده جمهوريته دوعرو بر حرکت تولید ایتدی. «قورده لیه قلوبی» قرالیتک لغوینی ایسته دی. قوندورسه بیله بوارزو بی تصویب ایدیوردی. خلق علام قرالیتی تحقیره باشلادی. روبسپیر، دانتون و ژاقوبه نلر فرانسه نك هیئات عمومیه سی اعتباریله جمهوریتک هنوز ناموسم اولدیفنی آکلایه رق رد ایتدیلر. مجلس ایسه موقفاً مقررانک قرالک تصدیقه اقران انیمکسزین مرعی الاجرا اوله جفنه قرار

ویردی . لوئی ، لافایتک تحت محافظه سنده توئیلهری سراینده بر مدت محبوس قالدی . بوهر موقت جمهوریت ایدی . نهایت مجلس افکار عمومییه تبعیتله قرالک اعاده حکومتنه موافقت ایله دی .

بو اوایل بر زماندی که قلوبلرک ، جمعیات سیاسییه نك نفوذی پك بویوکدی . ژاقوبه نلر قلوبی اساسنده مبعوثاندن مرکب برپارلنتو شعبه سی . کیدی . مجلسک پارسه نقاشی متعاقب قلوبی تشکیل ایدن بره تون مبعوثاری ژاقوبه ن - سنت اونوره مناسترنی کیرالیه رقی اوراده طوبالانغه باشلادقلرندن تارینجه « ژاقوبه نلر قلوبی » نامیه نهرت بولدی . مقصد تشکیلی ماتی تفرقه ونفاقدن منع ایله تربیه فکریه سنده خدمت ایتکدی . اک زیاده دیکله ن - خطیبیلرندن بری روبسپیر ایدی . « قورده لیه قلوبی » ایسه جمهوریت طرفداریدی . مارا ، قامبلده موئن ، دانتون بوقلوبه منسوب ایدیلر . وحریت مطبوعات سایه سنده میرابو ، پرودون ، مارا ، قامبلدومولن کی مشاهیر غزته چقارسیورلردی . زمانک اک مشهور غزته لردن بری ۱۸۷۹دن اعتباراً انکابیز غزته لرلی شکلنده انتشاره باشلایان غزته ناسیونالدر . ماراتک نشر ایتدیکی ده « محب ملت » غزته سی ایدی . مجلس شیمدیکی پارلمنتولر کی یمین ، مرکز یمین ، اقصای یمین ، مرکز ، یساره ، اقصای یساره نامیه لره فرق سیاسییه منقسمدی . آئیده بو فرق سیاسییه نك رؤسائی ، خطابائی ، افکارینی کوره جکزه . آسامبله قونستیتوتانت فرانسه نك نقاط مختلفه سنده وقوعه کلن عصیانلردن دولایی حبس ایدیلان اشخاص حقنده عفو عمومی اعلان ، قانون اساسی یی قطعیاً تنظیم ایدکدن سوکره اکمال وظیفه ایتدیکنی بیان ایله دی . مبعوثلردن هیچ بری کله جک مجلسده اعضا اولماغه سوزیوره رك

مابعدی وار

۱۶ مایس ۱۷۹۱ده داغیلدیلر .

احمد شعیب